

ხოზის მუნიციპალიტეტის მეოთხე მოწვევის საკრებულოს იურიდიულ საკითხთა  
კომისიის სხდომისა  
(სხდომა ჩატარდა საკრებულოს განათლების, კულტურისა და სოციალურ საკითხთა  
კომისიასთან ერთად)

ქ. ხობი

2019 წლის 27 აგვისტო

სხდომას ესწრებოდნენ კომისიის წევრები:

1. დავით ბერაია
2. მერაბ ფილიპია
3. დიტო ხასია
4. კობა გოქამე
5. აკაკი ხურცილავა
6. გია წულაია
7. გოჩა ჯობავა
8. ლაშა ცატავა
9. თემურ გულუა

სხდომას თავმჯდომარეობდა დ. ბერაია - კომისიის თავმჯდომარე

დღის წესრიგი:

1. სსიპ ხობის მუნიციპალიტეტის სოფელ საჯიჯაოს N2 საჯარო სკოლის დირექტორის ი. გოგოლაძის 2019 წლის 8 აგვისტოს MES61902274403 და 14 აგვისტოს MES91901044876 წერილების განხილვა (სსიპ ხობის მუნიციპალიტეტის სოფელ საჯიჯაოს N2 საჯარო სკოლისთვის ილია ქვარცხავას სახელის მინიჭების თაობაზე)

(მომხსენებელი: დ. ბერაია - კომისიის თავმჯდომარე)

2. საქართველოს მთავრობის ადმინისტრაციის 2019 წლის 5 აგვისტოს GOV 71900031007 წერილისა და ხობის მუნიციპალიტეტის მერის გ. ქაჯაიას 2019 წლის 15 აგვისტოს N03/2830 და მერის მ/შ ვ. გაბედავას 2019 წლის 26 აგვისტოს წერილების განხილვა - „ხოზის მუნიციპალიტეტის საკრებულოს ზოგიერთ დადგენილებაში ცვლილების შეტანის შესახებ“ ხობის მუნიციპალიტეტის საკრებულოს 2019 წლის 30 ივლისის N8 დადგენილებაში ცვლილების შეტანის თაობაზე“ დადგენილების პროექტის შესახებ.

(მომხსენებელი: დ. ბერაია - კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს.

კენჭისყრის შედეგები:

მომხრე - 9

წინააღმდეგი - არც ერთი

დაადგინეს: დღის წესრიგი დამტკიცდეს წარმოდგენილი სახით.



## დღის წესრიგით წარმოდგენილი საკითხის განხილვა

1. სსიპ ხობის მუნიციპალიტეტის სოფელ საჯიჯაოს N2 საჯარო სკოლის დირექტორის ი. გოგოლაძის 2019 წლის 8 აგვისტოს MES61902274403 და 14 აგვისტოს MES91901044876 წერილების განხილვა (სსიპ ხობის მუნიციპალიტეტის სოფელ საჯიჯაოს N2 საჯარო სკოლისთვის ილია ქვარცხავას სახელის მინიჭების თაობაზე)

(მომხსენებელი: დ. ბერაია - კომისიის თავმჯდომარე)

**მოისმინეს:** მომხსენებელმა განმარტა, რომ სსიპ ხობის მუნიციპალიტეტის სოფელ საჯიჯაოს N2 საჯარო სკოლის დირექტორის მიერ საკრებულოში წარმოდგენილ იქნა სამეურვეო საბჭოს სხდომის ოქმი, სადაც განხილულია სოფლის მკვიდრის არველოდი ნანეიშვილის ინიციატივა სსიპ ხობის მუნიციპალიტეტის სოფელ საჯიჯაოს N2 საჯარო სკოლისთვის პროფესორის, დიდი მეცნიერის ილია ქვარცხავას სახელის მინიჭების შესახებ. სამეურვეო საბჭოს გადაწყვეტილებით მიზანშეწონილად იქნა მიჩნეული წინადადება სკოლისთვის ილია ქვარცხავას სახელის მინიჭების თაობაზე. სკოლამ მოითხოვა საკითხის განხილვა საკრებულოს მიერ და გადაწყვეტილების მიღება. საკრებულოს მიერ სახელის მინიჭებაზე გაიცემა თანხმობა ან უარი. მომხსენებელმა აღნიშნა, რომ მხარს უჭერს სსიპ ხობის მუნიციპალიტეტის სოფელ საჯიჯაოს N2 საჯარო სკოლისთვის ილია ქვარცხავას სახელის მინიჭებაზე თანხმობის გაცემის წინადადებას.

მომხსენებელმა განმარტა, რომ საკრებულოს იურიდიულ საკითხთა კომისიის მიერ მომზადდა განკარგულების პროექტი „სსიპ ხობის მუნიციპალიტეტის სოფელ საჯიჯაოს N2 საჯარო სკოლისთვის ილია ქვარცხავას სახელის მინიჭებაზე თანხმობის გაცემის თაობაზე“. საბოლოო გადაწყვეტილების მიღების მიზნით სახელის მინიჭებასთან დაკავშირებული ინიციატივა, სამეურვეო საბჭოს ოქმი და საკრებულოს განკარგულება სამეურვეო საბჭოს მიერ წარედგინება საქართველოს განათლების, მეცნიერების, კულტურისა და სპორტის სამინისტროს.

მომხსენებელმა კომისიას შესთავაზა წარმოდგენილი საკითხის ინიცირების წესით წარდგენა განმარტებით ბარათთან ერთად.

**აზრი გამოთქვას:** კომისიის წევრების მხრიდან შენიშვნები არ ყოფილა.

კენჭი ეყარა წარმოდგენილ წინადადებას.

**კენჭისყრის შედეგები:**

მომხრე - 9

წინააღმდეგი - არც ერთი

**დაადგინეს:** განკარგულების პროექტი „სსიპ ხობის მუნიციპალიტეტის სოფელ საჯიჯაოს N2 საჯარო სკოლისთვის ილია ქვარცხავას სახელის მინიჭებაზე თანხმობის გაცემის თაობაზე“ ინიცირების წესით, განმარტებით ბარათთან ერთად წარდგენილ იქნეს საკრებულოს თავმჯდომარის სახელზე.

2. საქართველოს მთავრობის ადმინისტრაციის 2019 წლის 5 აგვისტოს GOV 71900031007 წერილისა და ხობის მუნიციპალიტეტის მერის გ. ქაჯაიას 2019 წლის 15 აგვისტოს N03/2830 და მერის მ/შ ვ. გაბედავას 2019 წლის 26 აგვისტოს წერილების განხილვა - „ხობის მუნიციპალიტეტის საკრებულოს ზოგიერთ დადგენილებაში ცვლილების შეტანის შესახებ“ ხობის მუნიციპალიტეტის საკრებულოს 2019 წლის 30 ივლისის N8 დადგენილებაში ცვლილების შეტანის თაობაზე“ დადგენილების პროექტის შესახებ.

(მომხსენებელი: დ. ბერაია - კომისიის თავმჯდომარე)



**მოისმინეს:** მომხსენებელმა აღნიშნა, რომ მერის მ/შ ვ. გაბედავას 2019 წლის 26 აგვისტოს წერილით წარმოდგენილი დადგენილების პროექტით გათვალისწინებულია ცვლილებები „ხობის მუნიციპალიტეტის საკრებულოს ზოგიერთ დადგენილებაში ცვლილებების შეტანის შესახებ“ ხობის მუნიციპალიტეტის საკრებულოს 2019 წლის 30 ივლისის N8 დადგენილებაში, რაც განპირობებულია საქართველოს მთავრობის ადმინისტრაციის 2019 წლის 5 აგვისტოს GOV 71900031007 წერილში ასახული შენიშვნებით. ცვლილებები ძირითადად ეხება მოხელის არყოფნის შემთხვევაში მისი ფუნქციების სხვა მოხელეზე დაკისრების პროცედურებს.

ამავე დადგენილების პროექტით „ხობის მუნიციპალიტეტის საკრებულოს ზოგიერთ დადგენილებაში ცვლილებების შეტანის შესახებ“ ხობის მუნიციპალიტეტის საკრებულოს 2019 წლის 30 ივლისის N8 დადგენილებაში ასევე დამატებით იქნა გათვალისწინებული კანონმდებლობაში განხორციელებული ცვლილება და „სამხედრო ძალების რეზერვისა და სამხედრო სარეზერვო სამსახურის შესახებ“ საქართველოს კანონის სათაურის და სარეზერვო სამსახურის დასახელებების ფორმულირების ცვლილების გამო ხობის მუნიციპალიტეტის მერიის დებულების მე-13 მუხლის მე-7 პუნქტი და მერიის წევრამდელთა, რეზერვისტთა, სამხედრო აღრიცხვის, გაწვევის და მობილიზაციის სამსახურის დებულების პირველი მუხლის პირველი პუნქტი და მე-2 მუხლი ყალიბდება ახალი საკანონმდებლო ნორმების შესაბამისად.

მომხსენებელმა განმარტა, ხობის მუნიციპალიტეტის მერის გ. ქაჯაიას 2019 წლის 15 აგვისტოს N03/2830 წერილით წარმოდგენილი იყო დადგენილების პროექტი „ხობის მუნიციპალიტეტის საკრებულოს ზოგიერთ დადგენილებაში ცვლილებების შეტანის შესახებ“, თუმცა ამ დადგენილებით წარმოდგენილი ცვლილებები გათვალისწინებულ იქნა „ხობის მუნიციპალიტეტის საკრებულოს ზოგიერთ დადგენილებაში ცვლილებების შეტანის შესახებ“ ხობის მუნიციპალიტეტის საკრებულოს 2019 წლის 30 ივლისის N8 დადგენილებაში ცვლილებების შეტანის თაობაზე“ დადგენილების პროექტში. აღნიშნულიდან გამომდინარე, მერიამ ითხოვა ეს დადგენილების პროექტი არ იქნეს განხილული საკრებულოს სხდომაზე.

გამომსვლელმა მიზანშეწონილად მიიჩნია წარმოდგენილი საკითხების გატანა საკრებულოს ბიუროს სხდომაზე განსახილველად კომისიის დასკვნასთან ერთად.

**აზრი გამოთქვას:** კომისიის წევრების მხრიდან შენიშვნები არ ყოფილა.

კენჭი ეყარა წარმოდგენილ წინადადებას.

**კენჭისყრის შედეგები:**

მომხრე - 9

წინააღმდეგი - არც ერთი

**დაადგინეს:** დადგენილების პროექტი „ხობის მუნიციპალიტეტის საკრებულოს ზოგიერთ დადგენილებაში ცვლილებების შეტანის შესახებ“ ხობის მუნიციპალიტეტის საკრებულოს 2019 წლის 30 ივლისის N8 დადგენილებაში ცვლილებების შეტანის თაობაზე“ განხილულ იქნეს საკრებულოს ბიუროს სხდომაზე კომისიის დასკვნასთან ერთად.

დღის წესრიგით გათვალისწინებული საკითხების ამოწურვის შემდეგ სხდომის თავმჯდომარემ სხდომა დახურულად გამოაცხადა.

სხდომის თავმჯდომარე



დავით ბერია